




Utval:	Helse- og omsorgsutval
Møtestad:	Møterom, Midsund Omsorgsenter
Dato:	24.11.2016
Tid:	13:00

Vi minner om reglane i kommunelova om møteplikt og lovleg forfall, og rett til fri frå arbeid. Forfall med grunngjeving må meldast snarast på telefon 71270500. Varamedlemar skal ikkje møte utan særskilt innkalling. Dersom det er behov for meir informasjon i sakene, ta kontakt med rådmann før møtet. Innsyn i ikkje utsendte saksdokument kan du få ved å henvende deg til servicetorget. Nye forslag/endringsforslag bør vere utforma på førehand for å sikre betre møteeffektivitet. Eventuelle habilitetsspørsmål bør avklarast med ordføraren før møtet.

SAKSLISTE


Saksnr	Innhald	Arkivsaknr
PS 16/26	Godkjenning av protokoll Referatsaker	
PS 16/27	Budsjett 2017 - Økonomiplan 2018-2020	2016/581

Midsund 21.11.16

Lars Joar Hagseth
Leiar
Malvin Gjendem Bjørnerm
Utvalsesekretær

PS 16/26 Godkjenning av protokoll

Referatsaker



Utval:	Helse- og omsorgsutval
Møtestad:	Midsund Omsorgsenter
Dato:	27.10.2016
Tid:	13:00

Faste medlemmar som møtte:

Namn	Funksjon	Parti
Lars Joar Hagseth	LEDER	AP
Oline Blø	MEDL	AP
Liv Sissel Fanum	MEDL	SP

Faste medlemmar som ikkje møtte:

Namn	Funksjon	Parti
Eli Linda Nesje	NESTL	KRF
Svein Misund	MEDL	V

Varamedlemmar som møtte:

Namn	Vara for:	Parti
Petter Ræstad		SP
Erna Drønnesund		V

Frå administrasjonen møtte:

Namn	Stilling
Malvin Gjendem Bjørnerem	Utvalsekretær

Underskrift:

Vi stadfestar med underskriftene våre at møteboka er i samsvar med det som vart vedteke på møtet.

Lars Joar Hagseth

Oline Blø

Liv Sissel Fanum

Petter Ræstad

Erna Drønnesund

SAKSLISTE

Saksnr	Innhald	Arkivsaknr
PS 16/24	Godkjenning av protokoll Referatsaker	
PS 16/25	Søknad om serverings- og skjenkeløyve - Midsund Marina	2016/498

Det vart halde møte i Helse- og omsorgsutvalet den 27.10.16 ved Midsund Omsorgsenter. Møtet vart leia av Lars Joar Hagseth og tok til kl 13:00.

Eli Linda Nesje hadde meldt forfall og Svein Misund møtte ikkje opp.

Det var innkalla 2 varamedlemmar til møtet p.g.a. av fråfall og habilitet-spørsmål: Petter Ræstad og Erna Drønnesund.

Utvalet hadde 5 voterande og var fulltaleg og vedtaksfør.

Lars Hagseth la fram Årsrapport 2015 frå Krisesenteret, samt informerte frå sist styremøt.

Det vart fremma ønske om at rådet kunne få eit kurs eller gjennomgang av Alkohollova.

PS 16/24 Godkjenning av protokoll

Samrøystes vedtak i Helse- og omsorgsutval - 27.10.2016

Protokoll frå møtet den 23.09.16 vart godkjent.

PS 16/25 Søknad om serverings- og skjenkeløyve - Midsund Marina

Forslag til vedtak:

Søknad om alminneleg skjenkeløyve frå Midsund Marina vert avslege.

Behandling i Helse- og omsorgsutval - 27.10.2016

Lars Hagseth stilte spørsmål ved sin habilitet.

Han vart einstemmig kjend inhabil.

Rådet hadde då 4 voterande og var vedtaksfør.

Oline Blø vart vald til å leie møtet.

Samrøystes vedtak i Helse- og omsorgsutval - 27.10.2016

Søknad om alminneleg skjenkeløyve frå Midsund Marina vert avslege.

Møtet vart heva kl 14:00.



Midsund kommune
Rådmannen

Arkivsak: 2016/581-2
Arkiv: 150
Saksbeh: Ketil Ugelvik
Dato: 17.11.2016

Saksframlegg

Budsjett 2017 - Økonomiplan 2018-2020

Utvalsak	Utval	Møtedato
16/12	Oppvekst- og kulturutval	24.11.2016
16/27	Helse- og omsorgsutval	24.11.2016
16/75	Formannskapet	28.11.2016
	Eldrerådet	
	Rådet for funksjonshemma	
	Ungdomsrådet	
	Kommunestyret	

Forslag til vedtak:

Rådmannen legg fram for formannskapet ei balansert skisse til budsjett for 2017 og økonomiplan for 2018 – 2020.

Saksutgreiing:

Kommunestyret skal vedta budsjettet etter innstilling frå formannskapet, jf kommunelova §§ 44 og 45. Til grunn for formannskapet si innstilling ligg rådmannen si skisse til budsjett for 2017 og økonomiplan 2018-2020. Rådmannen legg fram ei skisse til årsbudsjett og økonomiplan i balanse.

Ein har lagt inn låg rente i heile planperioden og ein kan ikkje gjere rekning med innsparing/mindreforbruk på finansområdet. Vidare har ein lagt inn 1,7 million kroner i ekstra skjønnsmidlar som kompensasjon for store utgifter på eit tenestoområde.

I haust har vi kjørt ein meir komprimert budsjettprosess der ein har hatt fleire arbeidsmøte med utvida formannskap og administrasjonen.

Vurdering:

I økonomiplanperioden har ein lagt til grunn at vi beheld småkommunetillegget. Arbeidet med å danne ny kommune vil vere ei krevjande og spanande oppgåve. Intensjonsavtalen med Molde opnar opp for at Midsund kan realisere/gjennomføre fleire store investeringsprosjekt i perioden. Utan denne avtalen hadde det ikkje vore rom for nye investeringar av noko størrelse i planperioden.

Budsjettet er særst stramt. Her er mange ønskje og behov som ikkje blir innfridde - sjølv om ønskja både er rettkomne og nødvendige. Det er krevjande for ein liten kommune å etterleve krava til «generalistkommunen». Tronge rammer og mangel på fagfolk fører til stor og tunge arbeidsbyrder for mange. Ein og same person må ofte dekkje eit breitt spekter av arbeidsoppgåver og sårbarheita blir stor.

Midsund kommune har gjort strukturelle grep innan barnehage og grunnskule. I dette framlegget vert det foreslått endring av administrativ organisering innan helse og omsorg. Med alle dei krav og forventningar som sentrale styresmakter og innbyggjarane stiller, er rådmannen redd for at vi ikkje greier å oppfylle alle krava på ein god nok måte.

Vidareføring av tiltak vedtatt inneverande år, samt auke i utgiftene til barnevern, ikt og krisesenter gjer at det har vore krevjande å sy saman eit budsjett. Rådmannen veit og at det vil vere særst utfordrande å etterleve budsjettet. På fleire område er ein i grenseland for kva som er fagleg forsvarleg.

Dei siste fem åra har vi avsett ein buffer på 2 million kroner. Dette har gjort at vi har opparbeida eit driftsfond på 5,3 million kroner. I dette budsjettet og økonomiplanen må vi bruke av dette fondet for å få budsjettet i balanse. I 2018 vil driftsfondet vere oppbrukt, og vi må budsjettere med midlar frå Havbruksfondet for å oppnå balanse i 2019.

I planforslaget ligg det inne midlar til skuleutbygging, bygging av administrasjonsbygg/fiskerisenter og investeringar i VA-området.

Budsjettet er så stramt at det vert særst utfordrande å etterleve – vi har heller ikkje avsett midlar til møte uføresette utgifter. Kravet til nøkternheit, nytenking og fleksibilitet vil vere stort. Vi må ha ekstremt fokus på økonomistyring. Før nye tiltak vert sett i verk, må det gjerast grundige analyser og vurderingar.

Vi går inn i ein spanande og historisk periode. Arbeidet med å lage ein ny kommune vil vere arbeidskrevjande, spanande og utviklande. Takka vere intensjonsavtalen med Molde kommune er det funne plass til store og viktige investeringar i planperioden; skulebygg og administrasjonsbygg/fiskerisenter. Dette er investeringar som vil vere viktige og som vil gi gode vekstimpulsar til midsundsamfunnet.

Økonomiske / administrative konsekvensar:

Driftsfondet vert oppbrukt.

Ketil Ugelvik
Rådmann

Vedlegg (prenta):

Vedlegg (uprenta):

Særutskrift går til: